



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

Služba za urbanizam i prostorno planiranje



Vogošća, ul. Jošanička br. 80, tel: 00387 33 586-428,586-435, fax:586-444

Broj: 05-23-2667/16
Vogošća, 16.08.2016.godine

Općinski načelnik putem Službe za urbanizam i prostorno planiranje Općine Vogošća, rješavajući po zahtjevu "HIFA-OIL" d.o.o. Tešanj, sa sjedištem u ul. Krndija bb, Tešanj, za izdavanje odobrenja za upotrebu izvedenih radova na izgrađenom objektu: benzinska pumpa koja se sastoji od privredne zgrade i dva rezervoara za gorivo u Vogošći - u obuhvatu privredne zone "Unis", a na osnovu člana 131.i 139. Zakona o prostornom uređenju ("Službene novine Kantona Sarajevo", br.7/05) i člana 200.Zakona o upravnom postupku ("Službene novine Federacije BiH", br.2/98 i 48/99), d o n o s i:

RJEŠENJE

I **UTVRĐUJE SE** da su radovi na izgrađenom objektu benzinska pumpa koja se sastoji od privredne zgrade i dva rezervoara za gorivo- kerozin u Vogošći - u obuhvatu privredne zone "Unis" na zemljištu označenom kao k.č.br.2751/55 k.o.Vogošća po novom katastarskom premjeru, što odgovara k.č.br.1064/5 k.o.Gornja Vogošća po starom premjeru, čiji je investitor "HIFA-OIL" d.o.o. Tešanj, izgrađeni na osnovu ovjerene projektne dokumentacije i Rješenja o odobrenju za građenje izdatog od strane Republičkog komiteta za urbanizam, građevinarstvo, stambene i komunalne poslove Sarajevo (SR BiH) broj: 03-361-235/86 od 29.05.1986. godine, te se isti kao tehnički ispravno izvedeni mogu koristiti kao posebna cjelina.

II Sastavni dio ovog Rješenja je izvještaj Komisije za tehnički pregled od augusta 2016.godine.

Obrazloženje

"HIFA-OIL" d.o.o. Tešanj sa sjedištem u ul. Krndija bb, Tešanj, kao investitor, podnijela je zahtjev ovoj Službi za tehnički pregled izvedenih radova na izgrađenom objektu: benzinska pumpa koja se sastoji od privredne zgrade i pet rezervoara za gorivo u Vogošći-u obuhvatu privredne zone "Unis" na zemljištu označenom kao k.č.br.2751/55 k.o.Vogošća po novom katastarskom premjeru, što odgovara k.č.br.1064/5 k.o.Gornja Vogošća po starom premjeru, prilažući dokaze u tom smislu.

Postupajući po zahtjevu investitora, a u skladu sa članom 3. Cjenovnika o tehničkom pregledu građevina ("Službene novine Kantona Sarajevo", broj: 38/15) utvrđeni su troškovi pregleda, te je po uredno dostavljenom zaključku o plaćanju od 28.06.2016.godine, investitor dana 01.07.2016.godine dostavio dokaz o izvršenoj uplati novčanih sredstava.

Rješenjem Općinskog načelnika, putem ove Službe od 28.06.2016.godine određena je Stručna komisija za vršenje tehničkog pregleda izvedenih radova na gore navedenom objektu. Komisija je izvršila tehnički pregled, te je ovoj Službi dana 11.08.2016.godine dostavila Izvještaj o izvršenom pregledu u četiri (4) istovjetna primjerka, a sve u skladu sa članom 134. Zakona o prostornom uređenju ("Službene novine Kantona Sarajevo", br.7/05).

Izvještajem Komisije, utvrđeno je sljedeće: da je Benzinska pumpa koja se sastoji od privredne zgrade i pet rezervoara za gorivo u Vogošći – u obuhvatu privredne zone „Unis“ na zemljištu označenom kao k.č.br.2751/55 k.o.Vogošća po novom katastarskom premjeru, što odgovara k.č.br.1064/5 k.o.Gornja Vogošća po starom premjeru, investitora "HIFA-OIL" d.o.o. Tešanj, dva rezervoara za gorivo –kerozin i privredna zgrada mogu koristiti kao posebna cjelina, tj. PRVA FAZA (u skladu sa članom 139. Zakona o prostornom uređenju

(„Službene novine Kantona Sarajevo“ br.7/05), a koja je izgrađena na osnovu ovjerene projektne dokumentacije (Glavni projekat i Projekat izvedenog stanja) i Rješenja o odobrenju za građenje izdatog od strane Republičkog komiteta za urbanizam, građevinarstvo, stambene i komunalne poslove Sarajevo (SR BiH) broj: 03-361-235/86 od 29.05.1986. godine, izvedena tehnički ispravno, da se može koristiti, te joj se može izdati upotrebna dozvola.

Obzirom da su ispunjeni uslovi iz člana 131. stav 2. Zakona o prostornom uređenju („Službene novine Kantona Sarajevo“, br.7/05), koji propisuje „Upotrebna dozvola donosi se nakon izvršenog tehničkog pregleda odobrenih i izvedenih radova“ i člana 139. Zakona koji propisuje „Upotrebna dozvola može se na zahtjev investitora donijeti i na dio građevine prije dovršetka cijele građevine i to kada je to potrebno radi nastavka i dovršetka građenja i kada se određeni dio građevine može privesti svojoj namjeni prije dovršetka cijele građevine, doneseno je Rješenje kao u dispozitivu.

Taksa naplaćena u iznosu od 250.00 KM po tar.br.2. i 26. Zakona o administrativnim taksama („Službene novine Kantona Sarajevo“- prečišćen tekst, br. 30/01,22/02, 10/05 i 26/08).

POUKA O PRAVNOM LIJEKU:

Protiv ovog rješenja može se izjaviti žalba Ministarstvu prostornog uređenja, građenja i zaštite okoliša Kantona Sarajevo, u roku od 15 dana od dana prijema ovog rješenja.

Žalba se dostavlja pismeno ili na zapisnik usmeno, neposredno ili putem ovog organa taksirana sa 6,00 KM administrativne takse.

Dostaviti:

1. Podnosiocu zahtjeva x2
2. Dosije
3. Arhivi

OPĆINSKI NAČELNIK


Edin Smajić

